

Амтиг пәтрәр тетклгән—даалгъврта тәр

Хальмг тангъчд тосхлтин ик кәдлмш кегдлжәнә. Коммунистическ пәрть боли Советск правительств, Хальмг тангъчд ик дән-нәкд болджана. Ганцхн нидн, 1957 джилин эргцд 47,3 сай мән-гн тосхлтд гидж гаргъгдсмн.

Болв бнъгрсн джилин ашиг авад хәләхлә, ним болдж гарна: тосхлтин кәдлмшт чигн ик дуту-дунд бәәнә, тосхад дуусчкн гермүдиг тәрскн газр-уснурн ирджәх амтн дунд хувалгънд чигн ик хаджгър гарсмн.

Элст балгъсна тосхлтд өггдсн 15879 мингъгн арслнъ мәнъгнәс зуг 13658 мингъгн арслнъ олзлгдсмн. Эн чик болхий? Уга. Энүнд тосхлтин кәдлмшиг толгъалдж кеджәсн улс бурута, иләрнъ келхд, урднъ тосхлтин хойрдгч управленә гардач бәәсн ұр Семибратов боли урднъ ах инженер бәәсн ұр Лебедев бурута. Тосхлтин управленә то-дигәр авад хәләхлә, ут тоодан амтн бәәх 6303 квадратн метр бәәр тосхдж дууссн болдж гарна. Эдлврт өггдсн неджәд пәтртә 24, хошад пәтртә 8, дөрвәд пәтртә 7, нәәмәд пәтртә 8 гермүдәр йовад хәләхлә—йоснднъ кұцц тохнятагъар тосхгдсн, амтн гер-буләрн төвкнүн эдлдж бәәх гер йир хәтәр. Улгүрнъ, Юрий Клыковин нертә ууль-цар бәәх шин гермүд икнък-

дән электрическ герл уга, радио уга, зәрм гермүднъ эс ширдгддж, шалдгдад уга, полтәвгдәд уга гермүд чигн харгъна.

Дакад болхла, тәрскн газр-урн ирджәх улсин то икдәд, бәәх-бәәрәр түрджәх цагла, коммухоз мәнъгән өгәд, бәрүләд дууслжасн Коммунальн уульцар бәәсн нәәмн пәтртә гериг Хальмг тосхлтин трестд контор кехд юнъгад өггдлжә-хмб? Амтн бәәх гериг учре-жденъ өгдг хаджгър йовдл.

Государств тосхлтд өгчәх мәнъгиг орминъ олдж, чикәр, әрвдлж олзлх кергтә.

Эн—тосхлтин халхин дуту-дунд. Амтиг пәтрәр тетклгъни халхар ик гидг буру йовдл-муд гарч.

Юрий Клыковин нертә ууль-цар 67-ч боли 69-ч номертә хойр гермүдт 30 өрк-бул ордер уга орцхасн, ода кұртл бәәгъә. Комсомольск ууль-цар бәәх 13-ч номертә, олн бәәдг герт 16 өрк-бул ордер уга, кұчәр орсн бәәнә. Театральн переулкар тосхгдсн 6 герт кедү күн ордертә, кедү күн ордер угагъинъ коммухозин кәдләчнр бийснъ мед-цхәхш.

Иим эзн бишәр, йосн угагъ-ар, шин бәрджәх гермүдт амтн кұчәр орлгън—балгъсна тосхлтин кәдлмшт ик саалтган халдаснъ лавта болджана.

Гермүдт амтн эк-зах уга

орлгън, хамгин түрүн болдж, балгъсна кұцәгч комитетин Совет боли балгъсна коммухозин гардачнр бурута.

Нуудж ирджәх амтиг, цаг-лань харгъулдж диглдж, альк өрк-булд ямр дүнъгә бәәрн кергтәгъинъ йилгъдж, чанъгъ, сергг килмдж өгсн болхла—ним ик хаджгър йовдл гархн уга билә.

Коммухозин кәдләчнр кедү кұүнд ордер өгсән, теднә-снъ кедү күн пәтр авсиг, кедү өрк-бул ордер угагъар пәтр эзджәхиг медцхәхш. Эн ик хаджгър йовдл.

Хавр болчкв. Дулана цаг олзлад, кұчнәс пәтр эзлсн улсиг йилгъдж хәләх кергтә. Урднъ бәәх-бәәр сурлжасн улсиг чигн, ода шинәс ирджәх улсиг чигн пәтрәр тетклгън—ик даалгъврта тәр.

Эн тәриг балгъсна кұцәгч комитетин Советд шинәс бурдсн бәәх-бәәрнә боли бәәдл-джиргъл харгч комисс шуудж хәләдж, чикәр диглх зөвтә.

„Хальмг үнн“ газетин ре-йид орлсн улс:

Александр НАДБИТ-ОВ, тосхлтин 2-ч управленә комсомольск организацин сегләтр.

Иван АШИХМИН, „Легкая кавалерия“ штабин член.

Алексей БАЛАКАЕВ, „Хальмг үнн“ газетин редакцин кәдләч.